

KON PA LESA E SALMONAN



“E ora ei El a bisa nan, ‘Esakinan ta e palabranan kual Mi a papia ku boso mientras ku ainda Mi tabata serka boso, ku tur kos mester wòrdu kumplí ku a wòrdu skirbí den e Lei di Moisés i e Profetanan i e Salmonan tokante di Mi.’ Y El a habri nan komprendementu, asina ku nan lo por komprendé e Skrituranan”

(Lukas 24:44, 45)




Kon pa lesa e Salmonan? E buki di Salmonan lo mester wòrdú lesá teniendo na mente ku esaki ta un buki pekuliar den hopi forma.

Distinto(diferente) for di e sobra di e bukinan di e Beibel, el a wòrdú skirbí dor di diferente outornan, den diferente tempu i sirkumstansianan: for di Moisés te na e regreso for di eksiliado Babilóniko.

E ta kubri temanan i estilonan(maneranan) mes diverso ku alabansa, maldishon(blafemía), lamento, historia...


Riba tur, nos mester tene na mente ku e ta un buki inspirá, kaminda e Spiritu Santu ta papia ku nos direktamente.



- ➡➡➡ **Un buki di himnonan.**
- ➡➡➡ **E outornan i nan eksperensianan.**
- ➡➡➡ **Tema i estilo.**
- ➡➡➡ **Un buki di orashon.**
- ➡➡➡ **Su protagonista: Dios.**

UN BUKI DI HIMNONAN

"Riba e dia ei David pa di promé bia a entregá e salmo aki den man di Asaf i su rumannan, pa gradisi Señor" (1 Kronikanan 16:7)



Algun di nan tabata wòrdu huzá na momentunan speshal:

Na e
momentunan di
adorashon riba
Djasabra
(Salmo 92)

Durante di e peregrinashon
di e festivalnan anual i
lunanan nobo (e "hallel
Egipsio" Salmo 113-118; i e
"gran hallel" Salmo 136)

Den e
adorashon di
mainta di e
snoanan ("
hallel diario"
Salmo 145-150)



E iglesia Kristian tambe a adoptá e buki di Salmonan como un himnario di adorashon (Kol. 3:16; Efe. 5:19).

E OUTORAN I NAN EKSPERENSIANAN

“ Salmo di David, ora ku el a hui for di Absalon su yiu hòmber ” (supereskrito for di Salmo 3)

Mayoria di e salmonan a wòrdú skirbí dor di David (2 Sam. 23:1). Otro outornan tabata:



Asaf i su yiunan hòmber (50, 73-83)

E yiunan hòmber di Koré (42, 44-47, 49, 84-85, 88)

Heman e ezraita (88, komo ko-outor)


Etan e ezraita (89)

Salomon (72, 127)

Moisés (90)

Hopi di e salmonan ta revelá e eksperensia personal di nan outornan (hopi similar na esnan di nos):

- ◆ Difikultatnan
- ◆ Dudanan i sufrimentunan
- ◆ Eksperensianan di pordon divino
- ◆ Gosonan
- ◆ Devoshon I gratitud na Dios pa Su fieldat i amor
- ◆ Speransa den Dios
- ◆ Konfiansa den promesanan divino
- ◆ Testimonio di redenshon
- ◆ Grito(lamento) pa salbashon



TEMA I ESTILO

" E shelunan ta deklará(konta) di e gloria di Dios; Y e firmamentu ta mustra(proklama) e obra di Su mannan " (Salmonan 19:1)

Salmonan ta enserá un variedat amplio di temanan ku ta enserá e eksperensia humano completo i esaki su relashon ku Dios:

- ➡ Himnonan ku ta alabá Dios como Kreador, Soberano i Hues
- ➡ Salmonan di Gradisimentu pa Dios Su Bendishonnan Abundante
- ➡ Lamentashonnan rogando(pidiendo) Dios pa libra nos for di problemanan
- ➡ Salmonan di sabiduria ku normanan práktiko pa bida
- ➡ Salmonan di e rei, kual to mustra na Kristu como Rei i Libertadó
- ➡ Salmonan histórico ku ta repasá e historia di pasado di Israel i Dios Su fieldat na esaki



Nan a wòrdú skirbí den e forma di poesia. Poesia Hebreo ta diferensiá for di poesia Oksidental. Algun di nan estilonan ta:

Paralelismo

Kombiná palabranan, frasenan òf pensamentunán simétrikamente, ripitiendo òf diferenciando un idea

Ora mi mira Bo shelunan e obra di Bo dedenan ,
e luna i e streanan ku Abo a forma (Salmo 8:3)

Imagennan

Huza idioma(lenguahe) figurativo

Laga e riunan bati man; Laga e serunan kanta
di goso huntu (Salmo 98:8)

Merismo

Ta ekspresá e henter dor di partinan ku ta diferensiá

O Jehová, e Dios di mi salbashon, **di dia i anochi** mi ta sklama Bo dilanti. (Salmo 88:1)

Weganan di palabra

Nan ta huza palabranan ku zonidonan similar pa duna importansia na un mensahe. Den Salmo 96:5 un wega riba palabranan ta wòrdú kreá entre *elohim* (diosnan) i *elilim* (ídolonan)

Pasombra tur e **diosnan** di e pueblonan ta **ídolonan**; pero Señor a traha e shelunan (Salmo 96:5)

UN BUKI DI ORASHONNAN

Tende mi orashon, O Señor, skucha mi súplikanan! Den Bo fieldat kontestámi, i den Bo hustisia " (Salmo 143:1)



E salmistanan ta dirigi palabra na Dios den orashon personalmente: "Paga atenshon na e bos di mi klamor, mi Rei i mi Dios, pasombra ta na Bo mi ta hasi orashon " (Salmo 5:2).

Den Salmo, Dios i hende ta interaktua intensamente. Dor di orashonnan i alabansanan, hende – bou di inspirashon di e Spiritu Santu – ta manifestá su speransa, temor, rabia, tristesa i doló. Sintimentunan ku ta surpasá e sirkumstansianan, religion, situashon étniko óf género di esaki su lesadónan. Nos tur lo por identifiká, na un tempu óf otro, ku e contenido di e salmonan.

Nos lo por nota(opservá) den e orashonnan aki e akshon direkto di e Spiritu di Dios. " David e yiu hòmber di Isaí [...] e kantante(salmista) dushi di Israel a bisa: E Spiritu di Señor a papia pa medio di mi, i Su palabra tabata riba mi lenga " (2 Sam. 23:1-2).

Nos tambe ta hala rosea den e speransa ku Dios ta tende nos orashon: " Pero siguramente Dios a tende mi; El a paga atenshon na e bos di mi orashon " (Salmo 66:19).



SU PROTAGONISTA: DIOS

" Señor ta duna viktoria na Su ungí. E ta kontest'é for di Su santuario celestial ku e poder viktorioso di Su man drechi " (Salmo 20:6 NIV)

Manera den e bida di e salmista, Dios mester okupa un lugá sentral den nos bida, i nos sa ku nos lo por konta riba djÉ pa tur kos.

Salmo 16:8 Esaki ta semper den nos pensamentunan

Salmo 44:8 Nos ta gloria den djÉ i ta alab'É tur tempu

Salmo 46:1 E ta nos protekshon i forsa

Salmo 47:1 Nos ta aploudí esaki ku alegría

Salmo 57:2 Nos ta sklama na djÉ buskando Su fabor


Salmo 62:8 Nos ta drama nos kurason dilanti di djÉ

Salmo 82:8 Nos ta eksigí Su hustisia

Salmo 121:7 Nos sa ku E ta protehá nos for di maldat

Danki na e Salmonan, nos sa ku Dios ta tende nos, apesar ku nos no por mir'É, I E ta kontestá nos orashonnan na e tempu korekto
(Salmo 3:4; 10:1; 20:5-6).

Dios ta den Su Tèmpel Santu, pero E ta tambe na mi lado (Salmo 11:4; 23:4). Nos por ta optimístiko i sigur den Su presensia (Salmo 119:58).



“E salmonan di David ta pasa dor di henter e rango di eksperensia, for di e profundidat di kulpa konsiente i kondenashon di su mes na e fe di mas elevá den interkambio ku Dios. Su rèkòrt di su bida ta deklará ku piká por trese solamente bergwensa i miseria, pero ku Dios Su amor i miserikòrdia por yega na e profundidatnan di mas profundu, ku fe lo lanta e alma repentí pa kompartí di e adopshon di e yiunan di Dios. Di tur e siguransanan kual Su palabra ta kontené, esaki ta un di e testimonionan di mas fuerte na e fieldat, e hustisia, i e miserikòrdia akordá di Dios”

E. G. W. (Patriarchs and Prophets, pg. 745)